



**sport, arts & culture**

---

Department:  
Sport, Arts and Culture  
REPUBLIC OF SOUTH AFRICA


## **PHOLISI YA POLELO YA DSAC**

*Sepedi*

DSAC OFFICIAL LANGUAGE POLICY

AUTHORISATION AND EFFECTIVE DATE

Signed in ...*PRETORIA*... on the ...*20*... day of ...*JANUARY*... 2021.

DEPARTMENT	NAME OF REPRESENTATIVE	SIGNATURE
SPORT, ARTS AND CULTURE	<i>hps</i> DG: MR SV MKHIZE	

EFFECTIVE DATE: ...*20/01/2021*...

**PHOLISI YA POLELO YA DSAC**

TUMELELO LE LETŠATŠIKGWEDI LA GO THOMA GO ŠOMA

E saennwe.....ka ..... letšatšing la ..... 2021.

<b>KGORO</b>	<b>LEINA LA MOEMEDI</b>	<b>MOSAENO</b>
DIPAPADI, BOKGABO LE SETŠO	DG: MNA SV MKHIZE	

LETŠATŠIKGWEDI LA GO THOMA GO ŠOMA:.....

## **Lenaneotlhopho la diteng**

1. Melawana le dithalošo
2. Didirišwa tša semolao
3. Maikemišetšo le kamano ya taolo ya Pholisi ye
4. Ditheo
5. Mošomo wa DSAC
6. Yuniti ya Polelo ya DSAC
7. Dipolelo tša semmušo tša DSAC
8. Tšhomišo ya Dipolelo tša Semmušo ke DSAC
9. Kgokagano le maloko a setšhaba ao kgetho ya wona ya polelo e sego ye nngwe ya dipolelo tša semmušo tša Repabliki
10. Kgokagano le maloko a setšhaba ao kgetho ya wona ya polelo e lego Polelo ya Diatla ya Afrika Borwa.
11. Kgatišo ya Pholisi le phihlelelo ya yona
12. Mokgwa wa dingongorego
13. Tshekatsheko ya Pholisi

## 1. Melawana le dithalošo

<b>Lereo</b>	<b>Tihalošo</b>
Tiro	Molao wa Tšhomišo ya Dipolelo tša Semmušo, 2012 (Molao wa 12 wa 2012)
Molaotheo	Molaotheo wa Repabliki ya Afrika Borwa, 1996
Kgoro le DSAC	Kgoro ya Dipapadi, Bokgabo le Setšo
Molaodipharephare le DG	Molaodipharephare Kgoro ya Dipapadi, Bokgabo le Setšo
Tona	Tona ya Kgoro ya Dipapadi, Bokgabo le Setšo
Pholisi	Pholisi ya Polelo ya Kgoro ya dipapadi, bokgabo le setšo
Melawana Repabliki	Melawana go ya ka Molao Repabliki ya Afrika Borwa
SASL	Polelo ya Diatla ya Afrika Borwa

## 2. Didirišwa tša semolao

- 2.1 Molaotheo wa Repabliki ya Afrika Borwa, 1996
- 2.2 Molao wa Tšhomišo ya Dipolelo tša Semmušo, 2012 (Molao wa 12 wa 2012)
- 2.3 Melawana go ya ka karolo 13 ya Molao

## 3. Maikemišetšo le kamano ya taolo ya Pholisi ye

- 3.1 Pholisi ye e hlokwa ke karolo ya 4 ya Molao, ka mokgwa wo o latelago:
  - 3.1.1 karolo ya 4 (1) e hlagiša gore kgoro ya bosetšhaba ye nngwe le ye nngwe, setheo sa bosetšhaba le kgwebo ya bosetšhaba ya setšhaba di swanetše go amogela pholisi ya polelo ka tšhomišo ya tšona ya dipolelo tša semmušo; le
  - 3.1.2 karolo ya 4 (2) e hlagiša gore pholisi ya polelo ye e amogetšwego go ya ka karolwana ya (1) e swanetše go:

- (a) laetša bonyane dipolelo tše tharo tša semmušo tseo kgoro ya bosetšhaba, setheo sa bosetšhaba sa setšhaba goba mokgatlo wa bosetšhaba wa setšhaba e tla di šomišago mo mabakeng a mmušo;
- (b) laetša ka moo dipolelo tša semmušo di tlogo šomišwa ka gona ka katlego go kgokagana le setšhaba, ditsebišo tša semmušo, dikgatišo tša mmušo, le dikgokagano magareng ga le ka gare ga dikgoro tša mmušo,
- (c) hlaloša ka moo kgoro ya bosetšhaba, setheo sa mmušo le sa bosetšhaba goba sehlongwa sa mmušo sa bosetšhaba se tla kgokaganago ka gona ka katlego go kgokagana le le maloko a setšhaba ao polelo ya bona ya kgetho e sego e tee ya dipolelo tše di kgethilwego, goba Polelo ya Diatla ya Afrika Borwa (SASL)
- (d) hlaloša ka moo maloko a setšhaba a ka bago le phihlelelo ya pholisi ya polelo ka gona; le
- (e) go laetša mokgwa wa ngongorego wa go kgontšha maloko a setšhaba go tsenya dingongorego mabapi le tšhomišo ya dipolelo tša semmušo ke kgoro ya bosetšhaba, setheo sa bosetšhaba sa setšhaba goba mokgatlo wa bosetšhaba wa setšhaba.

#### **4. Ditheo**

4.1 Ditheo tše di thekgago Pholisi ye ke:

- 4.1.1 boitlamo go kgodišo ya dipolelo tša semmušo ya Repabliki ka nepo ya go netefatša gore go ba le tekatekano ya polelo le ditokelo tša polelo bjalo ka ge go nyakwa ke meputso ya temokrasi;
- 4.1.2 temogo ya dipolelontši bjalo ka mothopo wa go tšwetša pele tirišanommogo kagong ya setšhaba, tlihabollong ya ekonomi le tirišanong ya setšhaba;
- 4.1.3 tšwetšopele ya phihlelelo ya tshedimošo go netefatša tshepedišo ya tirelo ya setšhaba ye e šomago gabotse ye e fihlelelago dinyakwa tša setšhaba le go netefatša phihlelelo ye e lekanago ya ditirelo le tshedimošo le tshedimošo ya DSAC;
- 4.1.4 thibelo ya tšhomišo ya (di)polelo efe goba efe ka mabaka a tšhomišompe, kgatelelo le kgethollo ka gare ga DSAC;

- 4.1.5 kamogelo ya mokgwa wo o theilwego setšhabeng, go fa mohlala, mokgwa wo o phatlaladitšwego wo o akaretšago bohle wa togamaano ya polelo le tiragatšo ya pholisi ya moo sebopego se sengwe le se sengwe sa mmušo se fiwago maatla a go laetša dipolelo tša sona tšeo di ka dirišwago, bjalo ka mokgwa wo o nago le mohola kudu go tšwetša pele ya dipolelontši go lebeletšwe kudu setšhaba sa Afrika Borwa dipolelo tše ntši; le
- 4.1.6 go thekga mananeo a a kgethegilego a tharollo ya dipolelo tša semmušo tša setlogo tšeo di bego di hlokomologilwe peleng.

## **5. Mošomo wa DSAC**

### **5.1 Mošomo wa DSAC o akaretša**

- 5.1.1 go tšwaetša seabe sa dipapadi, bokgabo, setšo le bohwa tšhabollong ya leago le ekonomi;
- 5.1.2 go hlabolla, go tšwetša pele le go šireletša dipolelo tša semmušo tša Afrika Borwa, le go matlafatša dipolelo tše fapafapanego tša naga ka go hlama le go phethagatša pholisi;
- 5.1.3 go hlohloletša tšhabollo ya menyetla dipapading, bokgabong le setšong ka dikamano tšeo di holago bohle, le go tšweletša pele bohwa bja rena bja setšo mabapi le tšhabollo ya ekonomi ya leago
- 5.1.4 go hlabolla methopo ya poloko le ya tshedimošo ya naga.

## **6. Yuniti ya Polelo ya DSAC**

- 6.1 Mešomo ya Yuniti ya Polelo e tla ba go:
  - 6.1.1 eletša DG mabapi le tšhabollo, kamogelo le phethagatšo ya Pholisi ye
  - 6.1.2 go hlokomela le go sekaseka kobamelo ya DSAC ya Pholisi ye;
  - 6.1.3 go tšwetša pele tekatekano le tshwaro ye e lekanago ya dipolelo tša semmušo tša Repabliki;
  - 6.1.4 Go nolofatša phihlelelo ye e lekanago ya tshedimošo ditirong le ditirelong tša DSAC.

6.1.5 go romela pego go Tona le go Boto ya Dipolelo ka moka tša Afrika Borwa ka ngwaga bjalo ka ge go hlalošitšwe go temana ya 9(2) ya Molao.

**7. Dipolelo tša semmušo tša DSAC**

DSAC e amogetše dipolelo ka moka tše 11 tša semmušo tša Repabliki bjalo ka dipolelo tša semmušo tša yona go ya ka Pholisi ye.

**8. Tšhomišo ya dipolelo tša semmušo ke DSAC**

8.1 Mabaka a a latelago a tla elwa tlhoko mabapi le go kwana ka tlhopho ya dipolelo tša semmušo tše DSAC e tla di šomišago kamanong ye nngwe le ye nngwe/ maemong a mangwe le a mangwe:

8.1.1 Tirišo

8.1.2 Kgonagalo

8.1.3 Tshenyegelo

8.1.4 Maemo a selete

8.1.5 Tekatekano ya dinyakwa le tše di ratwago ke setšhaba se e se direlago.

**8.2 Bjalo ka ge go hlalošitšwe mo lenaneotlhophong le la ka fase le go ya ka bonyane dipolelo tše tharo tše di tla šomišwago nako ye nngwe le ye nngwe.**

<b>Maikemišetšo a DSAC</b>	<b>Polelo</b>
Dikgokagano tša ka ntle le tša ka gare tša mmušo	Seisimane
Go kgokagana le maloko a setšhaba (ngwalelano ye e ngwadilwego ya semmušo)	Dipolelo tša semmušo tša Repabliki go hlokometšwe dinyakwa tše di hlagišitšwego go temana ya 8.1 ka godimo.
Kgokagano le maloko a setšhaba (kgokagano ya molomo)	Dipolelo tša semmušo tša Repabliki go hlokometšwe dinyakwa tše di hlagišitšwego go temana ya 8.1 ka godimo.
Dikgatišo tša semmušo tše maikemišetšo a tšona e lego go phatlaletšwa setšhaba	Dipolelo tša semmušo tša Repabliki go hlokometšwe dinyakwa tše di hlagišitšwego go temana ya 8.1 ka godimo.



<b>Maikemišetšo a DSAC</b>	<b>Polelo</b>
(ditsebišo mo websaeteng, dipapatšo, maswao a meago le diforomo)	
Ditheeletšo tša Setšhaba ( <i>Izimbizo</i> ) le ditshepedišo tše dingwe tša semmušo	Dipolelo tša semmušo tša Repabliki go hlokometšwe dinyakwa tše di hlagišitšwego go temana ya 8.1 ka godimo.
Kgokagano le batho ba ba sa kwego goba ba ba sa bonego	Yuniti ya Polelo ya DSAC e tla nolofatša tlhathollo ya SASL le phetolelo go <i>Braille</i> goba, go se go bjalo, ya go kwewa ka kgopelo
Kgokagano ya boditšhabatšhaba	Seisimane gona polelo ye e ratwago ya naga ye e amegago

**9. Kgokagano le maloko a setšhaba ao polelo ya boikgethelo e lego ye nngwe ya dipolelo tša semmušo tša Repabliki**

9.1 Maloko a setšhaba ao a ratago go kgokagana le DSAC ka polelo yeo e sego e tee ya dipolelo tša semmušo tša Repabliki a swanetše go tsebiša DSAC ka go ngwala.

9.2 Tekodišišo ya dinyakwa tše di laeditšwego go 8.1 e tla šomišwa go kgopelo ye nngwe le ye nngwe.

9.3 DSAC e tla beakanya phetolelo goba tlhathollo ya maleba ka sebaka se se sa fetego matšatši a 20 a go šoma ka letšatšikgwedi leo kgopelo e šetšego e amogetšwe ke DSAC.

**10. Kgokagano le maloko a setšhaba ao polelo ya wona ya boikgethelo e lego Polelo ya Diatla ya Afrika Borwa**

10.1 Maloko a setšhaba ao a ratago go kgokagana le DSAC ka Polelo ya Diatla ya Afrika Borwa a swanetše go tsebiša DSAC ka go ngwala.

10.2 DSAC e tla beakanya go tlhathollo ya maleba ka sebaka se se sa fetego matšatši a 20 sa letšatšikgwedi la go amogela kgopelo ke DSAC.

**11. Kgatišo ya Pholisi le phihlelelo ya yona**

11.1 Pholisi ye e tla gatišwa ka dipolelo ka moka tša semmušo tša Repabliki.

11.2 E tla hwetšagala wepsaeteng ya DSAC (<https://www.dsac.gov.za>).<s

11.3 E tla hwetšagala ka *Braille* ka kgopelo

11.4 Pholisi e tla bontšhwa dikantorong ka moka tša DSAC ka mokgwa le lefelong le e ka kgonago go balwa ke setšhaba

## 12. Mokgwa wa dingongorego

12.1 Motho yo mongwe le yo mongwe yo a sa kgotsofatšwago ke sephetho sa DSAC mabapi le tirišo ya yona ya dipolelo tša semmušo a ka tsenya ngongorego go DG ka go ngwala.

12.2 Ngongorego e swanetše go dirwa:

12.2.1 ka go ngwalwa;

12.2.2 ka sebaka se se sa fetego dikgwedi tše tharo ka morago ga gore ngongorego e hlage;

12.3 Ngongorego ye nngwe le ye nngwe ye e dirilwego e swanetše go hlagiša leina, atrese le tshedimošo ya kgokagano ya motho yo a e dirago.

12.4 Ngongorego ye nngwe le ye nngwe ye e dirwago e swanetše go hlagiša tlhalošo ka bottlalo ya ngongorego.

12.5 DG a ka kgopela mongongoregi go fa tshedimošo ya tlaleletšo ye e hlokagalago go amogela le go tsenela kopano ka maikemišetšo a go dira nyakišišo ya molomo malebana le ngongorego.

12.6 DG o tla akanya ngongorego le go fetola ka lengwalo, ka sebaka se se sa fetego dikgwedi tše tharo ka morago ga gore ngongorego e dirwe, a tsebiše mongongoregi ka sephetho .

12.7 Ge mongongoregi a sa kgotsofatšwa ke sephetho se se sa DG, a ka bega boipiletšo go Tona,

## 13. Tshekatsheko ya Pholisi

Pholisi ye e tla sekasekwa neng kapa neng ge go hlokagala eupša bonyane ka sebaka se se sa fetego mengwaga ye 5.